

列聖御製一

詩宗

f
5241.49
1122
1814
v.2

BERKELEY
LIBRARY
UNIVERSITY OF
CALIFORNIA

Carpenter

列聖御製目錄

卷之三十八

正宗大王詩

卷之三十九

正宗大王詩


正宗

列聖御製目錄



列聖御製卷之三十八

正宗大王



詩

日 乙酉

太陽全體明盖有君人象品彙莫逃形恠竒森萬
狀

月

盈盈海底月琢玉以為輪一轉斯黃道顥昂下界
人

集慶堂春帖二首 丙戌

正宗

列聖御製卷之三十八

龍樓問 寢乍愆和直宿經宵快祛病歡暨飛潛
猶蹈舞慶同踈躋亦謳歌羣情每頌騰華胥 聖
孝猶深講蓼莪不日十行紆賞賚諸臣榮福一何
多

朝野憂遑問幾時候班幸作賀班儀三壇吉兆開
金匱八域歡聲動玉墀擁護百神天理見平康五
福 聖工宜 宸情每切淵冰戒大德恒思永命
期

燈夕

萬戶懸燈趁此宵月光雲影共迢迢珠星燦燦仍

垂地火樹搖搖遂接霄醉語遙知花外路行歌應
度柳邊橋清和氣象繁華竝水缶村村不寂寥

詠月

水面初涵夜氣清盈輪新月極高明若窮所照歸
吾化東漸應知過八紘

碧波潭

帶月龍舟泛天光映綠潭驪龍領下寶一任錦囊
探

端陽志故事

令節天中屆薰風殿角迴艾符爭貼戶蒲釀喜盈

疊夏五方締葛秋千又綠槐宮娥迎鶯子朝日祝
高禱

聽苑鶴

三清仙鶴語迥徹九天深取象中孚義其鳴本在
陰

示或人

漢津館外水如天軟綠輕紅十里連去棹來檣紛
似織浦歌強半是漁船

登平樂亭

北杏南桃盡意開鶯兒學語鶯雛來太平有象於

何覘士女傾城擊踣回

題折檻圖

尚方劒借鐵腸堅折檻危忠正凜然凡百後人知
所懼千秋遺跡盡圖傳

眺木覓

節彼南山霄漢連扶輿磅礴見千年如雲如蓋惹
龍氣散作陽和布四埏

荷塘

鮮紅豔翠劇清明殿閣風來晚馥生出自淤泥能
葆潔花中君子豈虛名

天下地圖

山河包絡際無外歷歷移來一幅繪萬國提封如此耶吾猶不識九州大

長樂殿記舊

慶會長秋每奉歡朝朝來請起居安岡陵華祝頻稱掌大內儀文屬女官

登杏壇

和氣沖然杏樹陰農山化雨語春琴二三子各言其志魚躍鳶飛是我心

謹獨

意馬心猿未易擾捨宜操得放宜求於皇帝鑑昭
臨汝屋漏清蛸慎厥修

維天維 祖宗佑我 宗祫 聖侯不日乃
寥茲賦近體三首示直宿諸公要和以寓同
慶之忱

聖躬康復屬昌辰仰認皇天佑 北宸珍劑效功
元不日 寶籌添壽却回春歡傳八域疲癯起賀
獻千官蹈舞新集慶堂名非偶爾融融和氣浹臣
民

猗歟翼寥慶上有 祖宗靈喜氣騰仙仗新休迓

列聖三從集卷之三十一
帝庭天晴三伏退秋熟八方寧環珮朝將集爭看
祝萬齡

仁風躋壽域覽德有皇天院直纔前夜邦休又是
年蟬鳴金殿樹魚戲王塘蓮樂意同羣品神功奏
十全

喜雨

一雨知誰賜通宵解澤均飯牛趁曙起聞鴈占晴
頻滋綠平蕪潤敷黃細柳新田官知節候春及告
農人

仲舅以說書直春坊適值庚炎可想午渴茲

送西瓜一盤

有圓珍果自西邊擎出髹盤色愈鮮
丹液宜沾文苑渴青綾要擺禁廬眠

陪 駕登北苑瞻望 皇壇將事

丁東玉漏夜何其
苧蘿山河左海悲
一朶黥雲黃帳幕
雨過風肅唱臚時

陪 駕龍興舊宮路出主第聊寄一絕

輦路塵清布豔陽
沁園春色遠相望
洞門斜日移仙仗
咫尺樓臺思更長

樂善齋盤松

宸慕追堯牆鸞聲駐漢邸拂天庭畔松盤屈固根
抵

登朝陽樓

紅日上東海最先照此樓山花當檻靜溪柳近簾
浮枕簟來朝爽琴樽得晚遊朗吟渾忘返巾服更
夷猶

望白塔

累石平如掌穹崇任獨尊不由持重力何以抵天
門

鷄鳴詩

宮簾花睡春宵闌銀槽漏滴聲三四后妃御夕君
王近脫簪餘誠尚夢寐君王放朝趨清晨有意東
方屢興視檻外更籌過幾巡天末星光影欲墜重
幃驚動營營蠅午月虛明迷蝶翅不是蟲鳴在戶
牖不是燈輝減紅膩天曙一道來晃晃遠遠鷄聲
又何自借問莫是雞報曙如海宮門但深邃宮門
深邃不可知庭燎會昌時或值時或值也將何為
為告君王莅政事宗國俄傳關雎章文王至化東
南被請君編入女四書滔滔後來多譏刺

寄光恩

并小序

列傳卷之三
六
光恩造侯班扶病歸家費數月調將乃痊
然病源尚未決祛甚悶然茲付短詩以寓
少愈之戒兼伸稍阻之緒

憐子刀圭浹月餘調將凡節近何如戒存少愈須
無忽敬著惟時慎起居

鳳翔樓

層樓飛出九重霄歷歷明河上可橋瑞鳳翔庭渾
聖世賀騰元日奏虞韶

季舅赴國子監試贈管玄

妙歲文章已夙成何難國子榜中名香煤寶管聊

相贈須展羅倫錦繡情

書進宴圖襖屏

天眷吾東 聖侯安稱觴法殿會千官
蒿呼是日 衢歌並繪畫留傳萬歲歡

秋夜課讀葩經不覺漏徹仍賦此

自家點檢亦云踈較看前人我不如
重繹詩經言 外旨禁雞鳴盡又披書

花下偶吟

寒食東風三月花花邊楊柳柳邊家
夕照樓前山 似盡烟光十里盛繁華

詠時牌官

夙夜宮門有近臣
天時十二報楓宸
衣冠肅拱渾無語
猶愛玄機在爾身

會祥殿春帖

丁亥

觀蠶盛事濯龍園
締綌王家古禮存
十載昭儉德六宮
興頌浹仁恩
祥光北闕浮仙仗
淑氣東風繞彩幡
獻祝羣情環八域
融融喜氣滿千門

題關西地圖三首

東明舊邑象箕躔
高閣臨江景最憐
仙客朝天何處向
大同門外水連天

右練光亭

爭說關河第一州中原未易有斯樓恰如坐井觀
天大自是東人眼孔鯁

右降仙樓

清江一帶抱城回絲管紛紛酒席開寄語五營兵
馬使詰戎餘暇細傾杯

右百祥樓

詠史九首

大度包容達且寬如何慢罵洩儒冠沛宮一曲風
雲想從此昇平四海安

右漢高祖

膏澤元來浹兆民及時賑貸輒方春末音短喪終雖媿恤四窮時足見仁

右文帝

獄中佳氣爛如雲天命終歸大寶尊躬政縱多功可紀諸臣獨奈少全恩

右宣帝

里社爭稱宰肉均終憑鱗翼作元勲若無游學應難用始信阿兄智過人

右陳平

橋下神韜幄裏籌青齊三萬却封留風塵餘策從
仙去一格爭高范蠡舟

右張良

謹恪持心博陸侯明堂朝會倣姬周中恢漢業非
無策戚里專權自此由

右霍光

春睡矇矓孰辨真枕邊時墮卧龍巾終然一出陽
秋義成敗唯天不在人

右孔明

五柳秋深栗里邨葛巾歸去酒盈樽東籬老菊多

清露司馬春秋一部存

右陶淵明

為將當如郭子儀未曾輕殺匹夫微須看晚境全
安享君子元來福履綏

右郭汾陽

贈硯

石重歛端蓋玉如玄雲噴處潤床書墨卿楮子延
佳友吾道扶將定不虛

憎蚊

不現其形但遺音乘昏游嘴透簾深世間多少營

營客鑽刺朱門亦底心

雨過

蒼蒼遠樹淡抹嫋嫋垂簾斜陽庭院雨過綠潤池
塘波暖微香

陰山大獵屏

大漠之南曠虜庭漢家天子振威聲白登餘恥酬
容易千古應辭黷武名

雲臺

十八元功一幅中英姿颯爽儼諸公始知帝德邁
高祖未覩南宮著畫工

萬里長城圖

當時妄擬萬年皇只謂深憂在北方
無賴長城連萬里須看奇禍自蕭牆

渭水

名利要津是渭磯誰能離俗憺忘機
若非當日文王遇白首風塵詎免譏

讀項羽本紀

鴻門帳外楚聲皆隆準俄從百騎來
浪死居巢頭白老未聞此日乞骸回

畫仙笑漢武

三山碧海路茫茫海上求仙一夢長
病處多從高處得秋風無悔奈秦亡

題周穆王八駿圖

昔放華山任去來今馬驅策又瑤臺
嗟渠駿骨非時出謾憶當年牧野回

閱箕子墓圖志感

朝日扶桑瑞彩鮮八區井畫宛先天
檀君邈矣箕師遠父老猶思聖作年

白頭山祀式方議加品際閱地圖書此

有屹高岑鎮北關兒孫羅列九州山
聖朝祀典

分聖集卷之三十八
斯為重佳氣長留宇宙間

有人在楓嶽錄送游覽之勝遂書此以歸之
衆壑皆朝歇惺樓九龍飛瀑入天流奇觀多在毗
盧頂努力須從上面求

春和亭拈屠長卿韻

禁苑春如海芳茵日抵年且須看沆瀣豈直管雲
烟細草迎風嫩繁花繞日妍陽和鋪遠邇民樂定
無邊

送伯舅按湖南節

青春刺史義風流名動江南五十州翠竹紅榴湖

海遠此離羸送一年秋

登簡儀臺

肩輿高陟九層臺
松韻禽聲入坐來
大道洛城臨似案
晚天騁目一徘徊

慶會樓池

百架高樓尚舊基
十尋紋礎此深池
我朝開剏規模大
小子今來燕翼知

陪駕西郊即事三首

朝陪法駕國都門
風颭龍旗瑞色翻
列營齊候紅夷砲
士馬滔滔靜不喧

仙蹕升壇鼓角鳴天開細柳萬軍迎霜翻盡戟回
金帳草木秋風曉氣清

壬辰王業更恢基萬曆洪恩沒世思仗鉞桓桓
楊御史千秋紀績有穹碑

臨淵閣

聖心乾惕若臨淵四表聲光又格天燕翼周家心
法在不承洪業萬斯年

謹次麟坪大君鳳翔樓宴席韻

高燭煌煌映畫堂近簾星月迥搖光方塘水蘸歌
筵敞禁苑雲生舞袖長霜後晚容楓葉嫩雨前秋

色菊花香

先朝曲宴何年是泛酌飛泉尚帶涼

閱麟坪大君泛舟東湖圖遂步其韻

東湖十里畫中收水欲有聲山更幽極浦帆檣雲
遠近團沙鷗鷺日沉浮薰葭是夜多清露絲竹何
年鬧晚秋月夕花晨來去地麒麟公子好觀遊

聞承旨尹勉憲計悼惜有唵

書筵玉立幾多時是日歸真夢亦疑多少抽心交
勉語至今無迹奈予悲

賀桂坊金基大登科

黃甲唱傳第幾名獨余憂意勝歡情況今阿叔聯

金榜一念須存戒滿盈

清漪亭

芳草明花趁晚晴
筮泉珠沫動新聲
觀瀾有術逍遙久
直到宮林夕照生

逍遙亭

野馬溟鵬各任天
小亭猶得管風烟
上清花木迎春易
釀出韶和遍四埏

禁苑書齋四詠

禁林深處百花多
隔水紅欄纈彩霞
為是乘春觀物理
小輿時踏綵虹過

右春花

殿廊稀報漏聲長
玉淑荷生萬柄香
賴有端陽如月簦
炎雲不敢近書床

右夏日

畫樓東畔月初生
隨意霜華著處明
大界三千光照遍
自來天字十分清

右秋月

疎梅孤燭夜相親
金鴨添香煖似春
簾外時聞風撼竹
滿天飛動玉龍鱗

右冬雪

翠寒亭敬次 肅廟宸章

澗翠空濛開畫境
庭松偃蹇鬧琴聲
佳山未許遊人到
可愛幽禽隔樹鳴

上林十景

乳鳩拂翅斑鳩鳴
水滿公田始課耕
自是帝王勤稼穡
寶岐堂下告秋成

右觀豐春耕

游絲粉蝶弄春晴
碧樹陰濃盡日鶯
時鳥自鳴猶造化
仁天位育聖人情

右望春聞鶯

春塘鷓鴣太生憐
草似芳茵柳似烟
杏子宫衫續挾路
仙香一陣豔陽天

右天香春晚

水暖魚潛渚日悠
不收紅纜放蓮舟
米家書畫如山載
羸得春風汗漫遊

右魚水泛舟

漱玉清流曲曲長
近欄山色納新涼
濠梁自有觀魚樂
可但蘭亭遞羽觴

右逍遙流觴

不須雕飾乃全天
時透香來好雨邊
千古濂翁惟

解愛欲編花史壽其傳

右喜雨賞蓮

心將夜氣較誰清却會東林霽月生堂奧蔽幽皆
似晝一天之下定同明

右清心霽月

畫鵲鳴時箭中心雲霞步障擁仙林三清物色元
如許樂與諸君醉不禁

右觀德楓林

瑞日春臺法駕臨仙人仗下簇青衿誰知試院
諸公筆升降無私一乃心

右映花試士

歲色崢嶸欲暮天
騷騷輕雪也堪憐
須臾遍灑山河去
瓊樹琪花擁後前

右凌虛暮雪

愛蓮亭

採蓮聲在曲欄前
涵碧浮紅映水天
愛看流萍開一道
藕花深處住蘭船

暮春

戊子

簷日如年病起遲
經春不作玩春詩
園鶯喚我聲相近
萬樹花生豔景移

廣津船上

長堤十里柳生烟
駕出江頭三月天
飛幔龍舟春色外
行營螺角夕陽邊
中流彩仗祥雲動
遠望平郊碧草連
一豫重宸斯有度
黔黎爭祝羽旄前

江頭晴望

三月東風漢水湄
落花芳草媚陽時
中流舟楫青山轉
雲物氤氳入數詩

陪駕詣猷陵經宿

輦路如天羽衛行
迎風鼓角接三營
珠丘日月浮佳氣
齋夜星河動漏聲
萬幕懸燈旗影直
千軍

休飯馬鳴生是時倍切羹牆慕
靈閣精裡醴醕
清

拈生字

雲捲長空宿雨晴千門半夜近秋清
簷松警鶴或
雙語堦草候蟲時一鳴赤葉黃花今後色
玉山藍
水古來情俄然朗誦歐陽賦徙倚欄干夕
照明

送興恩往觀江西縣

行旌秋日下荒荒
淚水西流客意長
今日送君悵
悵意陽關一闕路蒼茫

夜登映翠園

滿霄星月皎相闌紗燭搖紅夜不寒酌酒逍遙高閣上送鴻搖落碧天端

聞雞

內庭西畔聽鷄鳴歷歷星河一道明駕鶴寢門天欲曙紫宸閣外會朝盈

壁畫

蓬萊洞壑太嶙峋桂實榆花度幾春採藥仙郎無處覓連天海水碧粼粼

柴桑行

柴桑在天下尋常一村名村名顯於世乃有陶淵

明地遂因人高高於石頭城淵明天下士去官不以微寄奴握典午淵明見其機時人不識心枉說田園歸東籬有新黃南山有晚翠流水繞亭臯嘉木向春媚良友晤芳隣萬事須一醉滾滾朱輪客去作誰家人寓意桃花源歎息不問津無寧在柴桑生死為晉臣羲皇雖已遠伊人覲髣髴餘子不足論飄蕩為異物

秋夜書示直宿都尉要次

秋生苑樹風靜雨過宮簷月明床上葩經夜讀林間蟋蟀時鳴

荷珠

雨過荷葉極光鮮
瀉得明珠箇箇圓
縱使幻真為萬斛
祇應收取抵深淵

題畫扇

江水無風鏡面清
誰人解聽棹歌聲
蘆花小岸秋光淺
一色遙天晚靄生

寶劍行

我有龍唇劍
熒然三尺長
黃金以為鈎
綠蓮以為鏑
光恠闔時發
斗牛爭頻昂
駕海斬脩鯨
憑陸殪封狼
北顧風塵色
燕山杳蒼茫
壯士一歎息
繡鞘

凝秋霜

堤柳

三月繁華麗景遲
宮堤楊柳碧於絲
鶯兒避雨藏深葉
游女探春綰小枝

秋思

西風陣陣透羅幃
極目千家半夕暉
窈窕山將微雨過
高低城出澹雲飛
重陽節候萸花晚
四野風聲木葉稀
誦罷杜陵秋興什
參差鴻鴈亦南歸

敬次 肅廟秋夜宸章

禁園新雨後
星露淨高堂
古木秋聲晚
千門夜色

長經書渾自得鐘漏迥相忘剪燭天將曙微吟七月章

疊歸字寄人

盡日書齋下絳幃牙床紅帕映秋暉黃花裛露東
籬色白鴈驚霜北渚飛滿地江湖塵外淨迎人詩
酒雨中稀遙知此日應相憶儻卜他時問我歸

大雪

玄化參天地羣生一大包陰陽隨節變風雨以時
交遠水寒生骨深宮暮折膠玄冥初按節風伯更
承旂拂石粧鹽虎飄空聞玉蛟白三徵臘瑞滕六

象陰爻連璐千門逕裁瓊上苑梢燭調欽聖德
尺厚認天教皎潔凝雙闕豐穰占四郊休祥遍八
域歡忭并同胞

藏書日喤成

牙籤萬軸列床邊
虛送光陰是蠹篇
復向晴窓勤學業
恍然承誨聖賢前

瀛果初到茲送一盤于宮僚仍求和章

團圓靈果似仙丹
遠自重溟味不酸
此日特宣知有意
諸君爭取晚香看

王簪花

死聖集卷之二十一
簪花如白玉照人生輝光我欲贈美人迢迢望西
方

偶作

不分淑慝目無瞳迷滯元來木石同一點些兒清
粹氣誰教存著爾胷中

登仁王山

巳丑

際天崒岫鎮西山佳氣長留大地寬聖世繁華茲
境最弼雲花柳憺忘還

見武藝仍拈藝字

如虎武夫氣蓄銳升壇一鼓乃爭藝廣庭沾賞無

虛年分付渠曹慎宿衛

夜坐

小院清如水高寒罨玉檠
吾方存夜氣人或問時情
簷鐸風來響簾旌月透明
請看曾氏傳收效在治平

贈人郊墅四景

盈輪皓月自天東十五圓
光萬里通隨意新晴澄
玉露秋聲多在禁林中

右東嶺霽月

籊籊釣竿溪上磯斜陽一面照
蓑衣斯翁少愧濠

梁客奈把游魚貫柳歸

右西泉漁釣

千邨錢鑄告成功漠漠黃雲四望同
婦孺亦知王化盛巷謠爭看樂年豐

右南畝禾稼

蟠根蒼鬱卧喬松萬頃風濤吼老龍
直節亭亭君子比嶙峋皮甲耐寒冬

右北庭長松

鸚鵡

妙解人言若有知翠毛紅嘴更堪奇
雕籠恰似藏

嬌樣紫袖宮娥較豔姿

汾水行

元封天子真豪雄輪臺一詔牖迷蒙車轍幾蹈秦
之跡五百兒童浮海中朝營柏梁臺暮作甘泉宮
文成五利青齊客丹砂赤金爭為功有時白雲封
中起天神不應人呼嵩清秋簫鼓載樓船薄言遵
彼汾水東汾水之東夕陽多平楚漠漠啼霜鴻岸
有崇蘭汀有菊是何秋聲來四聽一顧尋聲秋水
白再顧尋聲秋天空秋水秋天明一色蘋末蓬蓬
秋之風大江揚靈波濤壯宸心感慨而反躬求仙

求藥五十載一朝渙然春冰融曼倩不語汲子黯
殆乎上天誘其衷天誘其衷風借便漢業之昌亶
化公汾晉事與雲水同

贈人

晴天麗日動遊絲景物媚人憐可詩漏永銅壺觀
理夜波清太液講經時微醺乍喜茶烟細久坐還
隨鶴步移悵望春明門外路思君不見倍吾思

拈春字

禁苑雨初過霏微浥輕塵幽花晴欲重輕柳暖猶
新社燕來朝日林鶯轉暮春讀書宜永晝問寢每

清晨劒佩鳴青瑣銅壺響紫宸東皇方育物聖
主又施仁至化符三古恩綸恤四民達朝親庶物
晁日接羣臣世運逢昭代天機屬好辰閒來成小
什賀意更申申

長城行

天下壯觀嬴秦始有城屹然延萬里瀚海之東鴈
門北長虹直跨黃河水千年為標華夷界中國藩
籬蓋如此憶昔秦皇之築斯關外丁男皆調起雲
中驅石如潮喧朔南輓芻如雲委壯者呼杵聲隄
隄弱者運甓行迤迤此行十去九不返彼何辜者

血相視征婦歎息出門望隴上流水鳴不已於焉
牽動英雄志鉏耰棘矜何姓氏驩山戍卒倡勇敢
蕭瑟咸陽草萊裏嗟爾長城為厲梯區區地利安
可恃聖人之階只三級王都之郭亦七里三級之
階七里郭猶能保有至萬禩不在於險在於德秦
皇獨未聞吳子君不見桃花源裏綠髮翁回笑長
城似海市

鴛鴦

舟隱嶼花鋪塘鴛鴦戲紋漾比翼同翱翔紅裳翠
衿媚水中採蓮歌曲秋夜長

書齋

春睡矇矇午漏傳刺桐花發曲欄前
阿誰能解幽居趣紅帕書厨繞篆烟

春和亭敬次 肅廟宸章

三清仙界饒烟光時菊偏憐葆晚黃
萬戶杵砧秋思遍煖爐高燭漏聲長

無逸閣夜話

彩閣臨花淑新香一半生有時瑤瑟語簷鐸與同
鳴

階蕉

庭苑媚春蕪綠蕉新葉展展來如幕長托物大人
勉

盆松

嶮然松一粒貫四時猶青力抵風霜久為能視萬
齡

陪 駕謁 明陵十二首

金柝連宵繞四營絳紗燈燭黏天明重門古制徵
羲易元帥陞壇夢未成

齋衣肅穆到三更滿苑荷花玉露清芬蕊 園陵

將有事故從前夜亦虔誠

逶迤棧閣上崔嵬點點燈光萬馬來夾岸翠松森
似束畿西輦路際天開

法駕遲遲道路長繡旂風動影蒼蒼回看雲寢
知何處極目遙天曉月涼

旗脚風微王露清鎮西流峙望中平野門漠漠連
天濶令箭先廂可閱兵

聖祖龍興實此基地稱延曙亦神期南陽白水饒
佳氣立馬恭瞻紀蹟碑

白塔飄然立寺門人人輒說佛靈尊衆生填巷爭
祈禱好笑山僧射利言

擊柝聲長耿未眠
星河錯落迥秋天
徘徊極望桃都曉
萬幕青烟遠樹連

一抹青山一抹烟
依依邨聚畫中然
柳邊別有青帘肆
知是行人繫馬前

禮儀前導資精裡
祀事孔明聖孝伸
大舜見牆誠僂僂
白雲虛閣入簷新

龍蟠虎踞宅珠丘
雲木千層麗景浮
猶想當年尊濮議
宣陵孝思闡先休

路過園陵小子回
山光欲暮水聲哀
事於丁丑森如昨
十四年先去復來

詠瞽

兩目冥冥迷黑白專心一藝却通神禍福先機能
稍解世間堪愧瞽心人

送人嶺南二首

南嶺送君去行行幾日程涼蟬生驛路初月照江
城乞暇君恩大趨庭綵服輕歸期知不遠其奈
別離情

今朝分手後音信合憑書節早無來鴈情深有尺
魚遠遊南嶺外歸夢北辰墟會面將何日秋風七
月餘

集慶堂春帖

庚寅

無疆景福荷蒼穹壽考周王聖德隆
劒佩晨趨仙漏靜玉樓朝闕彩雲籠
冰霜寒退山河外梅柳春生雨露中
定有靈籌添海屋年年此日慶吾東

會祥殿春帖

節屆三陽吉慶繁氤氲和氣滿千門
陰功咸仰母儀備懿範爭稱坤位尊
春入菜盤餘臘雪香飄梅閣動華幡
比隆千載周南化鼓舞羣情永不諼

失題

沁園佳日氣氤氲壽席和風樂意新海果香濃留
永夏床樽醅綠慶初春遐齡定看同龜鶴佳子爭
稱似鳳麟短軸題詩伸賀語不妨荒拙寫情真

圯橋行

子房選黃石黃石乃能語世間亦有能語石石能
語人知何許晉家石語榆林塞師曠聞之長歎息
圯橋老人化為石人語石立荒山側吾知子房精
神多能於所到而透石子房好談神恠事前有黃
石後赤松黃石徒嶙峋赤松即崆峒天祿又有青

藜翁

曉起

以漏一
箭為限

蒼茫星斗枕邊低
簾角風微夜氣淒
喔喔雞聲簷
上下翩翩鶴舞院
東西鐘鳴紫陌千
門曙月傍層
城遠樹迷剪燭虛
窓頻把酒試開華
軸一回題

橘

靈根初自洞庭鄉
珍實團團色正黃
盤出芹宮仍
試士包隣梅閣更
添香芳姿遠涉風
濤險瓊液應
令歲月長講罷三
更猶不寐特頒僚
屬共清嘗

再疊

洞庭佳種又茲鄉
十月霜風箇箇黃
海外遙傳千

里色盤中新供一包香親領璧水 君恩大每薦
丹門 聖孝長瓊實也從南極至遐齡將享各分
嘗

三疊

揚州舊貢出仙鄉萬顆盈盤色尚黃玉樹應霑淮
海雨金丸猶帶洞庭香珍包開處清光合瓊液流
時爽味長拙語仍蕪新果寄慇懃此日勸君嘗

拈烟字示龍湖諸舅求和

龍洲十里帶蒼烟萬象爭妍四月天杖舄閒隨庭
鶴步琴書共伴渚鷗眠涪江白髮猶勝昔老圃黃

花豈讓前悵望雲山遙隔水聊將此意入詩篇

祇奉 肇慶廟神輦詣津頭祇送仍吟成一

律庸寓感慕

義起千秋廟貌張於休邦慶益無疆尊 先禮舉

追三古報本誠深曠百王耀日旌旗南土遠喧天

鼓角大江長津頭俯伏 宸思切臣庶爭傳 聖

孝彰

久閱膏澤雲霓之望方切何幸一雨三日慰

滿田野嘻其庶幾伊誰之力苟非 宸誠所

格天心所眷則豈有是哉余不任慶賀謹賦

一律志喜

朝來好雨下層城
莽莽遙林淑氣生
潤物方知由造化
歛功還覺自清明
直將一念回天力
大慰三農望
霈情匝域蒼生歌
聖德從看四海樂昇平

松

綠皮皴剝玉嶙峋
高節分明似古人
滿壑風聲翻巨浪
參天黛色入長春
笙簧自奏添靈籟
琥珀初凝遠俗塵
復有團團山月照
與君清質最相親

竹

移得淇園百尺長
飽經霜雪性逾剛
新添夜雨琴

書靜更入微風枕簟涼解籜時聞聲近檻放梢初
看影依牆清姿不欲同羣卉故傍寒梅閣裏香

雨後

辛卯

暮雨和雲冉冉收芙蓉帳暖不知秋篆爐金鴨渾
香氣數本黃花映小樓

更疊

雲晴紫閣夕嵐收鴻鴈迢迢欲暮秋繡帕牙籤續
點檢褰簾終日在書樓

資政殿有感

聖祖當年此殿臨禹勤湯敬戒淵深煌煌燕翼嘉

謨在肅拱華扁小子欽

覽夢窩遺稿

并小序

夢窩金忠獻昌集號也當辛丑建 儲時

措國勢於磐泰之安卒身殲而無悔焉姁
節偉績與日星爭光今見其文集如見若
人茲書一絕于卷首庸寓曠世之感云爾
家傳舊學是貞忠 宗社扶來不有功一死鴻毛
如樂赴當時四老即同躬

璿璣王衡

齊七重華世璿璣造化情轉環無暫息天度可參

衡

松屏

嫋嫋其松殖殖庭橫遮門逕布蒼屏細吹晚籟冷
然爽更傲嚴霜獨也青

鐘閣

通衢高閣鎮王城萬斛洪鐘曉夜鳴動息吾民聲
以準夜聲能定曉聲行

重陽

堂堂日月又重陽竹簟梧床坐夜涼暮景層城聽
鴈迴清詩高閣引杯長人言醉葉山蒸赤我愛繁

英逕布黃幾處登高佳節會茱萸插遍惱秋光

巫

苦竹叢鈴忽迓神丁寧禍福口中陳避凶趨吉渠
何得邪說紛紛惑庶民

北漢途中拈回字

壬辰

鳧駕山城我馬回逶迤細磴正崔嵬浮天氣勢
三峰石拔地形勝二將臺旗掣龍蛇雲影轉風傳
鼓角澗聲來徐行此日多閒事不覺前林夕照堆
柴丹峰走筆

肩輿遙自丹峰歸行到重興已夕暉參謁僧來知

俗樣旖旎旗去見塵飛林間恠鳥啼難盡溪外名
花開不稀緬憶先朝臨此地某山某水正依倚

過重興寺次農巖韻

細聞清磬近禪丘萬木深深天外浮苔壁歸雲增
雨氣雉城斜照入泉流幾人經卷山窓靜老釋閒
筇石逕投忽憶農巖山水癖佛龕趺坐幾曾留

綱目訖講日席上喤成一律奉示賓僚

一帙工夫十載侵紫陽微旨箇中尋細論奚但為
文學默識還能溯古今衮鉞元從麟史義鑑衡仍
飭燕閒心賓僚何幸動磋琢温故知新味更深

燈夕拈家字

天時四月樹如霞一夜燃燈幾萬家
深院迢迢明竹葉高竿處處出蓮花
山河照耀夕如晝歌鼓喧騰人似麻
始識太平多樂事編聲不覺五更過

棋

銀簾紅簾午景遲丁丁落子爛柯時
高樓留客花陰靜萬事輸贏一局棋

飛將軍歌

漢家飛將李北平少小結髮而從戎
上林苑中格飛獸黃間沒羽如逐縱
在昔韓彭堪比肩恨不身

遇隆準公清秋八月胡馬肥烽火夜抵漁陽東北
平飛將縱兵來勢如急雨鞭長風單于帳中碧葡萄
谷蠡臂上烏號弓睢盱縱恣不敢敵一夜鼙幕
秋雲空天子宰割關內地第一虛當衛霍功吁嗟
乎北平飛將髮如霜腰間古劍光熊熊塞日荒荒
照霜髮起看長天天有虹駕虹直征白雲鄉明詔
化工推星宮下視埃壒昏蒙蒙

國都八詠

雲臺著處矜繁華萬樹柔楊萬樹花輕輦游絲迎
好雨新栽浣錦綴明霞粧成白袷皆詩伴橫出青

帘是酒家獨閉書帷何氏子春坊朝日又宣麻

右弼雲花柳

遲遲帆影上高樓薄暮菱歌何處舟極望春風迷
遠浦須知吾道在滄洲邨漁捲釣渾疑鷺峒隱尋
盟可伴鷗無數汀花看不盡滿江斜日照簾鉤

右狎鷗泛舟

王城北面隔仙岑芳草如茵樹欲陰境僻三清遲
白日溪回千疊透青林市門埃塹飛何到谷口琴
樽坐更深綠野平泉宜伯仲遊人且莫武陵尋

右三清綠陰

四月繁華最漢京
金吾放夜好占晴
紅竿歷日燈
為市紫陌通宵火
作城撲地烟花相
照耀滿天星
月不分明終南高
眺人如霧幾處笙
歌答泰平

右紫閣觀燈

大隱巖西太古東
緣溪一路盡明楓
故嫌霜露三
秋薄能作繁華二
月紅巾服炫看絺
繡外樓臺飛
映畫圖中歲寒別
有幽期在丞相祠
前老柏叢

右清溪看楓

曲塘渟瀟一泓然
十里香生萬本蓮
拌露聯珠渾
絳粉抽絲結蒂抵
青錢偏憐兒女開
萍道誰訪仙

人泛葉船恍似瀟溪光霽夜靜研無極欲成編

右盤池賞蓮

洗劒亭前百道冰懸崖倒壑雪霜凝琉璃錯布三千界鵬鶴飛冲九萬層赤脚踏來消夏渴玄陰鑿盡納周凌聖人臨履存昭戒到此吾心倍戰兢

右洗劒冰瀑

去去來來第五橋十分明月上元宵誰家簾幕開新酒何處樓臺弄碧簫可意雨從三夜霽耽遊時好一春饒昇平百歲伊誰賜童舞翁歌即聖朝

右通橋霽月

瀟湘八景

癸巳

叢篁小雨夜霏霏響入黃陵寶瑟希萬里清湘流
不盡客舟寒夢轉依微

右瀟湘夜雨

洞庭湖水碧如天秋月中浮滉漾然好倚岳陽樓
上望朗吟詩過問飛仙

右洞庭秋月

粼粼春水蘸江扉山日曛黃半落暉橫抹細籠迷
遠近隔林漁子捲絲歸

右漁村落照

雨餘山色染如藍
拌靄調霞映水南
浦肆酒闌人影散
濛濛空翠更鬢鬢

右山市晴嵐

諸天遙指最高岑
數點浦烟鎖梵林
石逕歸僧何處向
斜陽飛錫趁鐘音

右烟寺暮鐘

楚檣吳帆盡烟波
去去來來港口多
極望長洲秋一色
蘆花深處有漁家

右遠浦歸帆

十里平沙鴈陣橫
一時飛下九秋聲
更看隻影南

來遠知是傳書報子卿

右平沙落鴈

江雲漠漠雪華凝千尺
闌干萬木冰薄暮放舟何
郡客獨將蓑笠不收簪

右江天暮雪

酈生行

泗上亭長竹皮冠岸頂見人人不恠平生不重諸
侯客踞床乃接蕭曹輩騎士長跪亭長前曰有酈
生造門請食其其名酈其姓有舌三寸千人競亭
長聞之一大笑試使來汝鰈生見大布之衣支骨

稜意氣軒昂雙眇轉有眼不識亭長尊舉袖高揖
胡為乎座上觀者皆竊罵亭長獨知其奇儒一語
風雲合肝膽兩相照不有下士誠那能為高廟酈
生非英雄英雄真是隆準公

采蘋詞

倉庚啼薄言遵彼芳洲芳洲在何處笑指春城之
南丘環珮相將城南路柔桑嫩蒲開豔陽豔陽天
氣三月好女伴皆誦葛覃章采綠擷青不盈筐別
有桃華紅可憐春冰未泮迨及歸阿孃結縞續三
千

書廷頌貢果謹步

文廟聖製橘詩邀賓僚

共和

甲午

集賢當日恩播在後人口團團萬顆香瓊液更宜
口

甘霈應祈一蘇焦枯喜吟

纔報心香出 北宸三農慰滿八埏均至誠孚格
元如許須信蒼蒼不遠人

梅辰雜詠四首

月光低幔夜光闌歲晏寒花一榻寬孤根獨帶先
春色大陸微陽愛護看

亭亭一樹臘中春相對清宵氣愈神可但從花襟
契托應多林下王如人

半天星斗光相爛扶踈一樹玉欄珊幽人此際多
怊悵瓊樓元自不勝寒

寒英踈蘂月光侵斗覺清香近我襟銅龍近日多
閒夜留與梅兄共醉陰

送官官鄭民始遊香山

樽酒高堂到夕暉送君懷思轉依依香山霽色明
千里領略風光滿袖歸

會祥殿端午帖

遲遲瑞日漏初踈
禁苑槐花雨欲舒
昭儉聖心
追大練承乾至化配關雎

聖候平復志喜三首

默禱微誠切焦遑
半日強辜蒙神佑
速益驗寶
籌長喜溢臣民色
祥浮殿閣光洪休
從此始康爵
頌齊岡

周騰啓籥日壽曜
繞中宸珍劑神功
大邦休苾祿
新海籌添幾屋靈
樹葆千春賀意登
歌頌歡聲匝
四垠

天和不遠復朝野
忭歡均盛禮寧過
日陰扶若有

神笙鏞諧鳥獸蹈舞遍簪紳四拜丹階下呼嵩祝
聖人

夜坐無聊嗟示或人

定寢龍樓訖歸自青宮畔秋天一何高的歷明
河漢褰衣步中堂白露如珠爛滔滔世之人此時
夢未半朝營暮則歇栩栩莊蝶亂麟楨即龜鑑其
奈長夜漫

會祥殿春帖

乙未

曉日千門綵勝懸紅梅初放玉欄前齊宮警寢瑤
簪脫唐殿觀蠶寶箔宣髹盤苻菜傳嘉瑞寶酌椒

花祝永年聞道

徽音遍八域家家含哺樂堯天

嗟示或人

山光凝碧夕嵐浮盡日逍遙有小樓蹉跎時事三
緘口荏苒年華一轉頭棋子簷鐘同落落疎雲淡
雨兩悠悠睡醒何事耽吟詠詩就還他午夢幽

豐西行

野月蒼茫迷古渡汀樹欲曙人如霧拓落風塵皆
好漢萬事只可一醉舞驪山往役急如火五百男
兒豐西發豐西老嫗強解事能使亭長其興勃若
令始皇在亭長不敢逃築城起殿大規模黃河之

深泰山高當時除却焚書事蔽一言為萬世豪

有人自楓嶽歸以關東圖屏示余書其屏以
還八首

江南小雨夕嵐晴鏡水如綾極望平十里海棠春
欲晚半天飛過白鷗聲

右鏡浦臺帖

驚峰門對浙江潮直欲橫流泛石橋夜靜月明僧
入定諸天柏樹影搖搖

右洛山寺帖

層瀛盡處最高臺吳楚東南几案開巨浸漫天天

四蓋風流太史可停杯

右萬景臺帖

環亭松柏太蒼蒼
皮甲嶙峋歲月長
浩蕩滄溟流不盡
帆檣無數帶斜陽

右越松亭帖

巨石含靈碧海連
尋常仙客住蘭船
丹書古壁知何世
回笑麻姑綠鬢年

右三日浦帖

高高亭子入蒼空
削立蓮花大匯中
箇箇六稜森似束
誰知造化自鴻濛

右叢石亭帖

雕石鐫崖寄一樓樓邊滄海海邊鷗竹西太守誰
家子滿載紅粧卜夜遊

右竹西樓帖

元氣蒼茫放海溟誰人辨此望洋亭恰如縱目宣
尼宅宗廟宮牆歷歷經

右望洋亭帖

列聖御製卷之三十八

列聖御製卷之三十九

正宗大王

詩

高陽衙軒恭和 先朝御詩

戊戌

蕞爾高陽縣猶堪夜駐軍漫山皆赤子布野是黃
雲日耀旌旗動風隨鼓角聞 璇題如昨日一讀
涕紛紛

敬題 昭寧園齋舍

蒼蒼松柏老六十一年衰戊戌 先王教曾孫再
拜廻

親臨洗馬臺犒饋有作

洗馬臺名古秋雲警蹕清
列朝行大閱今日亦
勞兵起舞三軍喜爭瞻萬姓情
諸卿知此意陰雨
戒昇平

同德會

閭闔排雲夕咸池擎日秋
百年長是會同德又同
休

臚提學金鍾秀出按關西

送卿懷緒正難裁
板輿知應穩往迴
遠色廉財存
素戒江山雖好惜深盃

贐宰臣李鎮衡出守沁都

己亥

南谷山人亦世情沁州出按耀旗旌佳兒繞膝烏
紗喜老婦開顏紫誥榮莫道功名由我力從知天
日照君誠莽蒼少別猶關念歸趁桃花滿洛城

皇壇齋夜宿摛文院召見閣臣有作

文章餘事揀材賢每許都俞侍法筵牙軸縱橫書
載道氷銜端潔吏如仙龍圖義制還依舊鳳閣新
榮豈讓前最喜官居天上近禁林深處管風烟

贐原任提學李徽之出按關西

喬木白江宅文衡冢宰孫出為關西伯休忘二字

言

示纂輯諸臣

并小序
○辛丑

歲辛丑八月

先大王實錄告訖

寶鑑

將成恭惟

列聖朝盛德大業備載於名

山之藏而人莫得以窺焉惟

寶鑑是傳

是信而

列朝寶鑑間多闕遺

先大王

有志編輯而猶未之遑也予小子廼因斯

會命選詞臣就春秋館抽金匱之祕作一

統之書我家四百年治法征謨庶幾盡在

此此書與

先大王寶鑑偕成於今日夫

豈偶然也哉予念諸臣之夙夜佔畢良亦
勤矣特遣史官宣醞而勞之仍以五言近
體識予意示纂輯諸臣

列朝盛德事巍煥可能忘縱有名山祕惟憑寶
鑑詳諸臣摸日月小子寓羹墻一統書成後治謨
萬世長

到逍遙亭觀瀑聽琴次壁上韻

林端飛沫濺鳴琴空翠濛濛小閣深偶與諸君同
此席道是無心却有心

南殿臘享日恭和

寧考御詩

并小序

昔在我 寧考乙酉寒食日享于 南殿
小子陪參行亞獻今於十有七年之後躬
薦臘享前夕齋居不任感慕之誠恭和璧
上 御製詩韻時小子踐阼之五載辛丑
也

十年前事恍如新 南殿伸誠又此辰小子敢言
能繼述 先王八耄享猶親

梅閣設煖爐會拈梅字各賦七絕一首約以
花發後更集

輕裘緩帶閣中迴左右交橫擁百梅好是氤氲元

氣會此樽留待十分開

梅已開矣依初令邀二三子復會花下吏議亦與焉

半開會又滿開會小閣深深護別春香入樽中仍托味明生暗裏却疑晨牘能欺臘參差發誰復排枝點綴均直到黃昏看正好新詩成喜更添人

上元夜與禁直諸臣有吟

壬寅

士女傾城樂此宵通衢如海又晴霄高樓月色知先得分與諸君踏遍橋

求見保晚齋稿吟寄一律

雨過簾幕午風徐閒閱恬溪十軸書悟解多從三
易邃典刑猶見四佳餘陰陽綜錯心頗契雲水流
行質本虛保晚堂中求草早文園當日較何如

贐直提學徐有防出守松江

西京百里遠無何可是明朝度索駝此席不須逢
別語逢時應較別時多

贐原任直提學沈念祖出按海西

癸卯

離絃初動閣中琴別意將杯較淺深宣化本無難
化俗近臣應自識予心

燕射日吟眎諸臣

禁林晴景靜無風
貍首初筵酒在豐
矍圃簡徒司射進
澤宮燕禮大夫同
右文今日非科力
觀德由來貴反躬
軒樂和鳴銷臘白
九旗齊舉破心紅
儀容可見周旋地
情志須教上下通
此會從遊凡百位
在家為孝在朝忠

贐原任直閣金載瓚出宰安岳

太守行裝學士榮
北堂甘旨供專城
知君傲骨非凡吏
清白傳家不墜聲

王流川看花又用壁上花字韻

待人留發十分花
曲曲流泉繞紫霞
此閣年年年圓

一榻花添人影較前多

贖原任直閣徐鼎修出按關東三首

民愁較得別愁深旌節遙驅雉嶽陰從今嶺海如
身到儘把吾心託乃心

我志徒勤事轉茫問君何術集流亡想來部屋炊
煙少別席那堪屢舉觴

金剛名勝擅吾東萬朶芙蓉攢碧空祇願明年秋
事好遣君盡意看丹楓

將行臘日大享齋宿于望廟樓是夜拈裡
字韻賦咏在筵諸臣仍許步此

於乎我何述 皇祖每躬裡 廟貌攸瞻地樓名
寓慕新塘流餘溥澤樹蔭又長春敢道寒威重微
誠是日伸

贐直提學鄭志儉出守沁都

從容坐鎮海門雄 祕府清嚴內外同 離筵莫說長
江限來往應須一帆風

贐原任直提學鄭民始出按關西二首

甲辰

明朝送子按西關 可耐今行隔歲還 我獨知君憂
涉世人應說此在偷閒三春富貴鶯花節一域樓
臺几案間別後依然省識處移看點點盡中山

芳草長堤碧似羅與君初別奈如何逢人莫說江
山好聞道西眠疾苦多

健元陵齋室恭和

寧考御詩

并小序

昔在甲申春修改 健元陵丁字閣也我
寧考寔躬臨焉有 御製詩一章揭于齋
壁今又有事于陵石而小子親董之役既
竣敬步前韻續揭其下庸識感慕之懷時
予踐阼之八年甲辰二月下澣也

仙陵有事感 宸什萬世洪基此地先鳳翥龍蟠
皆拱揖山長葱鬱水長連

中元齋宿本閣唵眎諸閣僚二首

秋色綾廬撼被青
一年明月到中庭
詞臣在座齋心肅
不妨賡歌更入聽

內閣門連瑣闥青
鶴能慣識舞迎庭
年年殿享中秋夜
頻戒時官刻漏聽

將謁 永陵路過高陽再題

月色燈光百里通
曉天風颭萬旗紅
高陽父老多相識
十載三過此郡中

路過坡州口占

滿野黃雲輦路清
吾民秋事十分成
千軍再駐坡

山夜慣聽高樓盡角聲

真殿行朔朝展謁召見四大臣三將臣四節
度及達城家子孫嗟眎一絕仍令賡此

殿門朝闢愴懷新月日依然舊甲辰零落雲仍今
幸在典刑應似古忠臣

鶴城君榆賜几杖日嗟眎二首

百年纔少九年人皓髮丹顏盡裏身每見鶴城增
感露為頒鳩杖好添春禮宜尊齒生符甲慕切攀
髯歲在辰更願年年花樹會諸宗相與叙天倫
酌送宮醪壽域春更教仙樂宴簪紳 龍飛舊甲

黃花節鶴立崇班白髮臣遺老如今凡幾在是恩
從古不多人高年非貴生年貴餘慕羹墻比少伸
李判樞微之以耆社大臣將赴燕參千叟宴
詩以贈之

老矣卿非出塞時關河暮雪動離思一條銜篆三
清壁千叟筵參四海卮翰墨須教天下聞顏眉從
遣畫中移好音誰付行人去世遠西周柞槭詩

拜園禮成以步輿周諗局內岡麓登拜峰
山定補土役所至主峰陰眎陪從諸臣仍許
步此

乙巳

水環山拱路逶迤半日審回萬歲基
園樹晴陰頻駐馬鑾旂還發故遲遲

驢原任直閣金載瓚出宰成川二首

分清方可近烟霞峽裏官居淨似家
紅藥青綾多宿債好教留看一年花

翩翩五馬出西頻一府三年兩閣臣
笏外樓臺饒爽塏風流儻不妨治民

雨後看瀑王流川有吟

積雨初收晚日妍坐來高閣聽新泉
泉聲渾與心俱淨耐許纖塵到此筵

丹楓亭臨試武臣講仍行京外殿最開拆與
登筵諸臣至玉流川看瀑

百道清泉出蒸雲不敢飛偶然成小集分與晚涼
歸

賜判中樞徐命善

黃閣勲名白髮臣六旬花甲菊同辰卿雖老矣安
危在飲食起居須自珍

錦城都尉周甲送食物衣資仍以一詩奉眎
春色沁園白髮明先朝都尉最賢英逢卿花甲
添新感更願鳩筇學錦平

贐原任直提學鄭民始出按關北

丙午

知君輕遠別圖報以忘身盤錯纔西節風謠又北
輪山川應識面夷獠儻歸仁九陛勤宵旰須先問
樂民

回榜人知樞姜杭以先朝二年丙午文科
是日具花帽公服來謝賜米帛引對便殿詩
以寵之謹遵肅祖丙申盛事也

齒爵巍然世所希二尊今日搃卿歸白首簪花存
盛事重回龍榜古來稀

清漪亭賞花日喤示在筵諸臣

彈琴花底石携釣水中亭雅會仍探勝雲端盡鵲
聽

贐提學趙璈出按關西

刺史榮兼內閣尊箕城四月擁旌幡清白由來知
素操可能崇頌播西藩

祈稔閣奉和 先朝御製詩韻

丁未

三度 先王觀刈年祈豐數畝即堂前秋晴是日
黃雲熟肯穫微誠更愀然

駕次高陽郡試儒武郡有射亭與隨駕文武
近臣射鵲此乃述 先朝盛蹟之一端不可

無識後吟此

穩旋郊駕路臨蹕郡齋東樽漾蟻浮綠帙懸鵠中
紅千家烟火氣列壘鼓笳風一豫寧為度今年幸
遇豐

是日即 明陵誕辰也祇謁 本陵歷拜

昭寧園還駐高陽郡舍吟示四韻於大臣閣
臣文苑諸臣命和

祇拜 仙陵又拜 園清秋佳節是中元龍盤地
護鶯峰大象設天成古嶺尊明月一年多此夜黃
雲四野已前村行宮試士同文武兩邑先推慰悅

恩

贐提學李性源出按關北

卿獨賢勞未敢言關河千里送征轅保釐任大纔
西節鎖鑰才難又北門將去鳳毛知世義行隨奎
彩覺班尊不須久作瓊樓夢暫借咸民為布恩

贐原任提學俞彥鎬赴燕

西節纔歸又北槎再勞原隰意如何宮筵慣識詩
三百此去殊庭用得多

敬次酒泉縣樓所奉

肅廟朝御製詩韻

并小

序○
戊申

酒泉古縣也今屬原州有清虛憑虛二樓
之勝在昔沈廷輔之牧是州也 肅廟寵
之以詩間經回祿之災 先朝戊寅守臣
重建之 上聞之 手書原篇繼以小識
命近臣往揭之夫一樓成毀若無所輕重
而宸章寶墨前後焜耀不獨樓之賴以
顯凡州之山川亦將由樓而增重則樓之
為是州輕重何如也繼此葺修之役可以
知所勉夫敬次詩韻略叙其槩俾揭于傍
云爾

尚說黃封降酒泉清虛從此勝名全樓容重與

雲章煥地氣還應壁宿連百里桑麻渾不改一春花鳥捻依前瞻言咫尺分憂在太守休為醉後眠

太液池看花垂釣

液池西畔萬重花釀得氤氲元氣多直到月昇方捲釣近臣隨意醉紅霞

是日召見戊申揚武功臣子孫賜酒饌又以詩寵之以記值舊甲感舊事之意

折衝樽俎豈無人破竹王師遂不旬氣作山河諸義士盟垂帶礪幾勲臣堪悲板蕩魂為厲幸共昇

平閣起麟

寧考之思恩及裔卿曹努力答君親

寄示湖南伯原任直閣徐龍輔修其行仍拈
行字

千里觀風學士行西飛鳧舄又南程知君不啻家
人熟縻爾豈徒刺史榮沃轡明朝湖上路清蟬數
日禁中聲離懷較淺民憂重留餞黃封且細傾

題晚葆亭

并小序
○巳酉

是日歷入錦城主第對主人穗討移晷而
還以晚葆扁其亭又賦七言四韻一篇以
歸之

沁園亭子數椽垂扶醉兒孫晚境怡霜退古松留
翠榦春生脩竹長斑枝燕居澹泊渾無累鶴髮奔
趨不有私今世幾人能享福如公厚德也相宜

寄卧遊亭主人

并小序

近聞挈往江墅靜中獨樂之趣想津津吟
送一律以叙阻戀

幾處空亭抱水環見君今作主人還漁舟帶雨隨
潮晚棋局當簾盡日間宜把賀湖差待老却嫌潘
鬢未全斑卧遊不妨輸真境莫惜幽居入畫間

贈前參判金頤柱

庚戌

寧考外孫風骨富春色不改沁園舊兩世朱輪駟
門楣梧桐對老蘭芝秀穩度昇平六旬一滾滾人
間衆福湊日周懸孤樂如何按舞調歌踐籩豆除
是汾陽老令公此世誰似君家茂近聞鏡裏還勝
昔韶容燁燁紅不皺擬教良工貌上綃替却南極
老人宿

皇帝八旬聖節進賀之行拜表日示副价檢
校直提學徐浩修

此路重穿薊柳烟歸期可趁鴈賓前人間五福君
先數有意行參萬壽筵

進賀使昌城尉黃仁點赴燕日有詩

千秋嘉會醉冠裳休說薊山去路長盛事要君輸
畫裏揭來宮帖替延祥

洗劍亭恭和 先朝御製韻

詰戎餘意此臨亭漢北天高畫角清可愛源泉深
有力泠然一道萬山聲

拜表日席上口吟示上价光恩副尉金箕性
以贐其行

萬里從茲始弘橋即鴨津北槎尊上价東國重儀
賓去日遼河雪歸時沁苑春男兒孤矢志何必惜

征輪

錢筵又寄一詩

十月征輶賦載馳雪花如席路透迤妙年都尉風
儀峻可使燕人一見之

臚提學鄭民始出按湖南

欸欸離懷酒屢巡送君明日出銅津即今盤錯須
民部從古旬宣仗近臣裘帶爭瞻新刺史起居無
恙大夫人樓名拱北良非偶幾夜登樓望北宸

登洗心臺賞花口占示諸臣和之以茗熟為

令

辛亥

暇日芳春節心臺洗俗喧兩山真一戶千樹亦同
園豔豔天光靚登登地勢尊坐間多皓髮來歲又

今樽

工判七十五歲一提學判敦寧
守禦使各六十五歲下句及之

題左議政蔡濟恭樊巖詩文稿

傑氣驅來筆力勅七分如對畫中卿奔騰處有浪
濤勢慷慨時多燕趙聲北極風雲昭晚契滄江鷗
鷺屬前盟湖洲以後模楷在更喜東山詠洛生

謁思陵志感

龍旂拂拂曙光寒靈雨新添十里灘小子敢言當
日事天心曾卜萬年安東峰曉月瞻燕院杜宇春

風感越壇兩地 仙鄉知不隔更看楓柏露漙漙
復登洗心臺用昨春詩令聞揔管李敏輔道
上先有所作仍步其韻 壬子

花木三春晚笙歌九陌喧逶迤迴玉輦跌宕訪瓊
園禮數宜從簡懽娛却忘尊會心東洛老無恙又
詩樽

又拈妍字

萬紅千紫競娟妍分與春光遍八埏特地杯盤真
率會滿城絲管豔陽天前遊易識丹崖刻清暇又
占畫鵲懸是日官家添喜事簪花人上曲江筵

野次題萬丈峰

大龍抽正榦千里勢蜿蜒
劍佩趨環闕珪璋儼拱
天基宏於萬世功博屢豐年
過路聞絃誦剩教一
壑專

道峰路次贈長洲

萬丈峰前駐馬時也誰巾服入然疑地雖咫尺猶
千里更卜春風野外期

貞明貴主宅設靖惠公延謚詩以寵之命內
閣臣賡示主人領敦寧二首

傾都珂馬睽朝霞喬木千章大主家賢尉典型如

可見中堂華髮對黃花

尚憶先卿致仕時箕疇五福摠兼之天官是日宣
嘉謚依舊門闌百祿宜

贈朴判樞宗岳聖節冬至正朝陳賀及欽賜
百幅福字方牋謝恩上行人之行二首

乃叔乘槎問幾巡煩卿又作上行人清名慣入燕
中話賢尉之家有大臣

所貴卿敦厚文章肯釣譽來時須點檢莫帶不經
書

送檢校直內閣冬至副使徐龍輔之燕

妙歲乘軒儼老成觀津家裏養高名東槎定使華
人重歸橐應如去日輕八九曾吞遼薊濶三千里
視戶庭行今遊可作平生快不必臨歧動別情

賜提學鄭民始

并小序

是日何日天地日月之之德之明於戲不
忘所謂伊人扶危持顛之之功之勞俾也
可護星霜多易覩聞寢脩嗟永突之有漸
幸馬燧之獨存詩以言志遙寄周南太史
擎天危節憶琅函此會年年臘月三薄醪纔宣忠
憲宅喜君消息帶新柑

賜原任提學金鍾秀

并小序

忠憲宅宣酌湖南伯寄詩聊寓不忘此日
之意也卿亦阻筵馳驛付七言一篇

許卿曾醉此筵杯今月今辰每歲迴可但湖南人
少一祗應東郭對寒梅

癸丑三月癸丑王流川流觴

并小序
○癸丑

是歲春將修內閣賞釣之會會于王流川
之曲水識年若月若人之符蘭亭脩禊也
集禊詩六句締成二篇遂令會者隨所長
賦之

葩藻映林

王彬

和氣載柔

王義

汎汎輕觴

華茂凝泉

散流

謝安

馥焉若蘭

袁嶠

今我斯遊

王肅

三春陶和氣

魏傍

萬殊莫不均

王義

光風扇鮮榮

謝萬

回波縈游鱗

謝繹

真契齊古今

王漫

宣尼遨沂津

桓偉

賜耆社諸臣

并小序

記昔我

先大王嘗於考績之月會耆社

諸臣于便殿書下殿最等第臨

靈壽閣

祇拜

兩聖寶牒諸耆臣進饌饌用粥各

品禮成賜

御詩以粥字命韻命小子及

與筵者賡和後二十年癸丑冬元輔兩大


臣在耆社皆逮事 先朝之人也起感於
盛事俾於耆社考績如式度支供煖飽之
需是日之會議政府領議政洪樂性年七
十六領中樞府事原任議政府領議政蔡
濟恭年七十四綾恩君具允明年八十三
行判中樞府事兼水原府留守李命植年
七十四前兵曹判書洪億年七十二判敦
寧府事任希曾年八十一藝文館提學洪
良浩年七十知中樞府事尹坊年七十六
工曹判書邊得讓年七十一議政府右參


賁洪秀輔年七十一前兵曹判書金尚集
年七十一前禮曹判書趙璦年七十四前
刑曹判書鄭存中年七十三知敦寧府事
宋濟魯年八十三羣老之年統計為一千
四十有九歲詩以寵之兼寓祈祝之情
善養猗歟憶兩朝茲年述事又頒粥我家祈永
於千休錫福由來在歛福



列聖御製卷之三十九







製御聖列

一